

學海類編

第三十八冊



元史備忘錄

明 淮南王光魯漢恭編次

皇清秀水陶 越艾邨重訂

總目

譜系 二

氏族 二

諸臣 九

重名 二十七

俚名 八

宗支譜系

也速該部落始祖——太祖鐵木真也速該子
追上烈祖滅國四十

太宗窩闊台太祖第三子——定宗貴絛太宗長子
子滅金

拖雷太祖第四子——憲宗蒙哥拖雷長子
追上睿宗

世祖忽必烈拖雷第四子

世祖忽必烈始混一滅宋——太子真金未帝薨
追上裕宗

仁宗愛育黎拔力達答刺次子

答刺麻八剌真金次子——武宗海山答刺長子
追上順宗傳

晉王甘麻剌真金子——泰定帝也孫鐵木兒甘麻剌長子
長子傳

成宗鐵穆耳真金第三子

武宗海山

武宗

長子

傳七明宗和世璘

武宗長子

傳順帝妥懽帖木兒

明宗長子

傳八文宗圖帖睦爾

武宗次子

傳九甯宗亦璘質班

明宗次子

仁宗愛育黎拔力達

武宗太子

傳五英宗碩德八剌

仁宗太子

位次傳授譜系

一世祖忽必烈

二成宗鐵穆耳

世祖之第三孫

三武宗海山

世祖之曾孫
成宗之姪

四仁宗愛育黎拔力達

武宗之母弟

五英宗碩德八剌

仁宗之子

六泰定帝也孫鐵木兒

英宗之叔
世祖之嫡曾孫

七明宗和世璘

武宗之子
英宗之從兄

八文宗圖帖睦爾

明宗之母弟

九甯宗亦璘質班明宗之幼子

十順帝妥懽帖木兒明宗之長子甯宗之兄

Blank columns with faint bleed-through text from the reverse side of the page.

氏族第一

蒙古七十二種

阿刺刺 札刺兒歹 忽神忙兀歹

甕吉刺歹 晃忽攤 永吉列思

兀魯兀 郭兒刺思 別刺歹

怯烈歹 秃別歹 八魯刺忽

曲呂律 也里吉斤 札刺只刺

脫里別歹 搭搭兒 答答吉

散兒歹 乞要歹 列水歹

顏不花歹

歹列里養賽

散朮兀歹

滅里吉歹

阿大里吉歹

兀羅歹

別帖里歹

蠻歹

也可抹合刺

那顏吉歹

阿塔里吉歹

亦乞列歹

合忒乞歹

木里乞

外兀歹

外抹歹

阿兒刺歹

伯要歹

担吉歹

外刺歹

末里乞歹

許大歹

晃兀攤

別速歹

顏不草歹

木溫塔歹

忙兀歹

塔塔歹

那顏乞台

阿塔力吉歹

忽神

塔一兒

兀魯歹

撒朮歹

滅里吉

阿火里力歹

札馬兒歹

兀羅羅歹

別帖乞乃蠻歹

答答兒歹

也可林合刺

甕吉歹

朮里歹

忙古歹

外抹歹乃

朶里別歹

入憐

察里吉歹

八魯忽歹

哈答歹

外刺

氏族第二十一

色目三十一種

吟刺魯

欽察

唐兀

阿速

秃八

康里

苦里魯

刺乞歹

赤乞歹

畏吾兀

回回

乃蠻歹

阿兒渾

合魯歹

火里刺

撒里哥

秃伯歹

雍古歹

密赤思

夯力

苦魯丁

貴赤

匣刺魯

秃魯花

哈刺吉答歹

拙兒察歹

秃魯八歹

火里刺

丹木魯

徹兒哥

乞失迷兒

耶律楚材 中書令一代制度多所創定

世祖諸臣第二 華人不載後倣此

開創

安童 右丞相木華黎四世孫開國輔政

伯顏 左相樞密帥師平江南鎮北邊為一代元功

合丹 諸王勸進之臣王為首倡先驅征逆命者

廉希憲 布魯海牙之子從太宗定策入繼平關中亂出鎮荆南溪洞歸化

阿朮 征以平章總師取襄樊伐江南淮南皆其功卒于西

囊加歹 以管總從伯顏伐宋受降于臨安定策立武宗

阿里海牙 伐宋平襄樊湖南為行省右丞守其地

忽剌出 平章伐宋董襄陽之師

昂吉兒 宣慰使開兩淮屯田

阿沙不花 宿衛從征乃顏定策立武宗官右相太尉

賽典赤瞻思丁 自秦蜀伐宋鎮雲南為行省平章

扎剌不花 出瀘州伐宋

阿剌罕 奧魯赤以萬戶從伯顏伐宋出廣德

博羅歡 塔出烏馬兒從阿朮取

忙兀台 從伯顏伐宋鎮浙西

唆都 從伯顏伐宋鎮浙東征占城戰死

和尚 從阿里海牙伐湖南鎮靜不殺由百戶至宣撫

唐兀帶 昔都兒 阿八赤 征交趾

太卜 征緬

月的迷失 平洞蠻

忙兀帶 平江南盜

都實 窮黃河源

亦黑迷失 征瓜哇交趾屢使絕域

守成

玉昔帖木兒 博爾水孫從征乃顏為皇孫太傅後鎮北邊定策立成宗

麥朮督丁 平章政事佐安童輔政以廉潔聞

不忽木 平章薦劉因發桑哥姦及相成宗守正不阿

和禮霍孫 始以學士承旨掌圖書後為右相輔政

徹里 奉御直諫發桑哥姦

八思巴 帝師創蒙古字 撒的迷底里 學士承旨掌

秃忽思 以國字錄毛詩孟子 獨胡刺 起居注

撒里蠻 大司徒 兀魯帶 學士承旨俱修實錄

姦臣

阿合馬

左丞相掌財賦貪奸為益都千戶王著所殺

忽辛

合馬姪

阿散

抹速忽

以上合馬子

宰奴丁

合馬姪

別速帶

合馬黨事敗皆伏誅

桑哥

右丞相以姦敗伏誅

楊連真加

為江南總攝伐宋室諸陵至盡

要束木

中書省參政鈞考荆南錢穀

納速刺丁

滅里

忻都

以上皆桑哥黨

反臣

乃顏

諸王叛于漠北帝自將擒之伏誅

金家奴

塔不歹

失都兒

火魯火孫

哈丹

以上俱乃顏黨

海都

諸王太宗長孫叛于和林屢入為寇成宗朝死子察八兒武宗朝入降

明里鐵木兒

諸王

怯伯

乃滿帶

八黑鐵兒

篤哇

款徹

篤哇子以上皆海都黨款徹最强受武宗撫北邊遂平

阿里不哥

帝母弟

諸王勸進不哥獨叛兵敗北遁後數年入降

阿藍答兒

渾都海

皆諸王從不哥叛兵敗被殺

不魯花

忽察秃滿

阿察

脫火思 皆不哥叛臣伏誅

成宗諸臣第三

輔政

阿魯渾薩里

平章善陰陽歷數世祖立帝為嗣有定策功

完澤

右相世祖朝輔政革桑哥弊及事帝時稱賢相

守邊

闊里古思

世祖駙馬封高唐王鎮北邊死難

闊闊

梁王鎮北邊

姦臣

伯顏

八都馬辛

俱丞相與梁德珪號稱三凶專執朝政

阿難答

安西王謀篡位事覺伏誅

明里帖木兒

諸王

月古不花

左相

迭兒火者

參政

阿忽台

參政

賽典赤

以上俱成宗執政姦臣帝崩黨于安西欲阻武宗之入仁宗先入盡誅之

武宗諸臣第四

推戴

哈刺哈孫

太傅屢朝輔政帝未入奸臣有異謀哈孫為定策首功

康里脫脫

帝藩邸親臣先入與哈孫定策調和三宮尋以左相輔政

按灰

諸王以兵衛帝入京

牀兀兒

北邊將衛帝入京為平章

千奴

中書參議七持憲節守正不阿與定策功

守邊

月赤察兒

太師右相傅爾忽孫討降款徹仍鎮撫之北邊以平

姦臣

脫虎脫

太師

三寶奴

平章

樂實

平章

保八

右相

忙哥鐵木兒

左相

闊里吉思

平章以下流以上執政奸臣文宗立皆伏誅忙哥

仁宗諸臣第五

推戴

野訥

帝藩邸新臣定策從帝入京位樞密

忠直

楊朶兒只

中丞

蕭拜住

平章

學海類編
賀伯顏上都留守以上皆攻鐵木迭兒之奸迭兒皆誣殺之

文翰

忽都魯都兒迷失學士承旨纂通鑑衍義諸書屢朝侍講

護都沓兒開榜狀元

姦臣

鐵木迭兒右相太后倖臣專政兩朝為太后所庇不得加罪英宗朝以善終餘黨釀禍遂弑英宗

失烈門亦太后倖臣 呢匣馬丁讒臣

黑驢平章 阿散左相以上皆迭兒黨為英宗所誅

鎖住 觀音奴皆迭兒子

野里海牙迭兒婿文宗朝以怨望呪詛伏誅

烏馬兒刑部尚書 孛羅御史大夫

馬兒上都留守竝以呪詛事連坐伏誅

英宗諸臣第六

輔政

拜住右相安童孫創興太廟祀禮修舉庶政奸臣疾之帝弑拜住亦遇害

自當監察御史直諫不阿屢忤權貴卒順帝朝

逆臣

鐵失鐵木迭兒黨手弑帝于南坡迎立泰定帝泰定誅之

按梯不花

諸王同弑逆泰定帝流

赤斤鐵木兒

平章同弑逆伏誅

完者

鎖南

以上流

秃滿

也先鐵木兒

諸王以上伏誅

月魯

秃秃哈

速敦

以上伏誅

月魯鐵木兒

曲呂不花

兀魯思不花

皆諸王以上流

幹羅思

探忒

以上皆鐵失黨同與弑逆

泰定諸臣第七

附戴

倒刺沙

初為王府內史內交鐵失附帝入京帝崩立太子于上都文宗攻之兵敗被磔

哈散

倒刺沙子初事拜住後逃歸與弑逆謀

馬某沙

倒刺沙兄

紐澤

撒的迷失

也先鐵木兒

皆與逆謀附帝入

兀伯都刺

朶朶

伯顏朶兒

權脫

皆帝親臣文宗誅兀伯流朶朶以下

王禪

梁王

孛羅帖木兒

諸王

脫脫

遼王 被執皆死

以上三王從泰定太子守上都以拒文宗

文宗諸臣第八

附載

燕帖木兒

初為京師留守倡立明宗復與弒逆專政以泰定皇后為妻尙宗女四十餘人迎順帝而不立病死帝乃得立

明里董阿

迎立文宗與弒逆謀為順帝所誅

月魯不花

也里牙

與弒逆謀

闊闊台

速速

俱平章從文宗入

文臣

孛朮魯朮

國子祭酒不拜帝師

阿都帖木兒

學士承旨修經世大典

順帝諸臣第九

輔政

太平

右相久在政府以人才為急擒反王阿魯輝為太子所忌貶殺之

朶兒只

與太平同朝並稱賢相

朶爾直班

朶兒只之姪以正直忤脫脫被黜貶死

紐的該

太傅左相博爾朮四世孫時謂有大臣體

康里夔夔

不忽朮之子屢朝侍從官學士承旨事帝啓沃為多

忠義

脫脫

馬札兒台之子伯顏之養子伯顏專肆倡義除之遂輔政後被譖貶放哈麻矯詔賜死

察罕帖木兒

沈邱民起義兵討賊河南陝西賴以復存官陝西平章為降賊田豐所殺

擴廓帖木兒

察罕之養子代領父軍明兵入燕元主北遁擴廓不屈數以兵犯邊卒從元主于塞外

福壽

集慶路御史大夫明兵入死難

左答納失里

浙江平章拒張士誠兵死難

述律杰

潼關參政拒汝穎兵死難

伯顏不花的斤

江東廉訪援信州拒陳友諒兵死難

卜顏帖木兒

樞密明兵入死難

帖木兒不花

淮王

慶重

左相與淮王守京城明兵入死難

月魯不花

山南道廉訪浮海之官遇倭不屈死難同死者八十餘人

丑閻

安陸同知城破死賊難

星吉

江西平章鄱湖拒賊死難

孛羅帖木兒

襄陽路總管汝穎盜起死難

王伯顏 福甯知州城破死難

野峻台 黃州路總管死賊難

朶里不花 江西平章死土寇金元祐難子達蘭不花將阿刺不花歹不花俱戰死

朴賽因不花 宣政院使明兵入死難

迭里彌寬 漳州路總管明兵入死難

柏帖穆爾 福建行省郎中明兵入死難

姦臣

撒敦 燕帖之弟從文宗入復相帝父子兄弟迭專政

唐其勢 撒敦之子忿伯顏分其權遂謀立諸王晃火帖木兒事覺併塔刺海伏誅

塔刺海 其勢之弟

伯顏 初為武宗守北邊以兵從文宗入順帝誅唐其勢遂專政不軌被黜死

哈麻 與脫脫互相傾間脫脫既貶乃與其弟雪雪同秉政進番僧于元主既欲廢元主而立太子事覺杖死

搠思監 右相元主末年厭政與札不花專權壅蔽以召大亂孛羅犯闕以為詞遂執與之被殺

朴不花 宦者

反臣

孛羅帖木兒 太尉答失八都魯之子答失以讒憤死孛羅代領其軍以平章守大同忌察罕欲併

之交攻數年以兵犯闕元主令海伯達兒殺之

也先帖木兒

成宗朝平章

二見

也先帖木兒

英宗朝親王鎮北邊從泰定太子起兵

三見

也先鐵木兒

英宗樞密預弑帝伏誅

四見

也先帖木兒

泰定陝西御史大夫文宗兵入河南降也先捏

五見

也先帖木兒

脫脫之弟順帝樞密討亂軍潰召還

六見

野仙帖木兒

順帝宦者濬大內河

七見

也孫鐵木兒

泰定帝

一見

也孫帖木兒

仁宗朝晉王

二見

也孫帖木兒

順帝黃梅縣主簿討徐壽輝有功

三見

伯顏帖木兒

高麗國王

一見

卜顏帖木兒

文宗朝雲南叛臣伏誅

二見

卜顏帖木兒

順帝樞密明兵至死難

三見

卜顏鐵木兒

江浙平章討徐壽輝卒于軍

四見

伯顏帖木兒

順帝兵部尚書

五見

月魯帖木兒

諸王拖雷曾孫

一見

月魯帖木兒

仁宗朝河南平章因亂被殺

二見

月魯帖木兒

英宗朝諸王與弑帝逆謀被流

三見

月魯帖木兒

齊王附立文宗

四見

月魯帖木兒

順帝陝西平章討南陽襄陽賊

五見

月祿帖木兒

順帝河南平章

孛顏帖木兒

魏王睿宗曾孫

一見

孛顏帖木兒

諸王世祖孫

二見

孛羅帖木兒

武宗中書右丞

一見

孛羅帖木兒

魏王順宗子

二見

孛羅帖木兒

泰定朝駙馬從立泰定太子

三見

孛羅帖木兒

順帝襄陽路總管 見前

四見

孛羅帖木兒

順帝江浙左丞討方國珍被執

五見

孛羅帖木兒

順帝朝守大同以兵爭犯闕被誅

六見

博羅帖木兒

順帝戶部侍郎

秃堅帖木兒

文宗大禧宗禋使

一見

秃堅帖木兒

順帝樞密與孛羅帖木兒同犯闕伏誅

二見

允秃思帖木兒

諸王

秃魯帖木兒

順帝親王子入宿衛

一見

秃魯帖木兒

順帝狎臣御使中丞

二見

秃魯哈帖木兒

樞密迎立明宗

塔失鐵木兒

泰定右相帝崩相太子阿速吉八起兵于上都討燕帖木兒文宗立被誅

一見

塔失鐵木兒

文宗樞密

二見

答失鐵木兒

順帝陝西右丞

三見

塔海鐵木兒

世祖朝總管西征不知所終

二見

塔思鐵木兒

高麗國王

一見

塔出脫鐵木兒

文宗朝四川省臣討雲南亂

一見

完者帖木兒

汝甯王太宗四世孫

二見

完者帖木兒

諸王憲宗曾孫

二見

完者帖木兒

歧陽王

三見

完者帖木兒

順帝右丞相

四見

完者帖木兒

順帝湖南宣慰使討徭寇

五見

完者帖木兒

順帝河南廉訪兵亂被殺

六見

忽都帖木兒

諸王太祖四世孫征緬

一見

忽都鐵木兒

英宗指揮使

二見

忽都帖木兒

泰定指揮使從立太子

三見

阿魯輝帖木兒

明宗親臣勸順帝勿親政而委宰

一見

阿魯輝帖木兒

順帝朝陽翟王謀反伏誅

見前

二見

伯鐵木兒

仁宗平章

一見

伯帖木兒

世祖朝萬戶

二見

伯帖木兒 文宗樞密

三見

伯帖木兒 順帝宦者為司徒

四見

燕帖木兒 世祖右丞為阿合馬所讒得罪死

一見

燕帖木兒 立文宗弑明宗為累代權臣以淫縱死

二見

帖木迭兒 諸王烈祖會孫定策立憲宗

一見

鐵木迭兒 仁宗右相為太后倖臣 見前

二見

帖里帖木兒 順帝御史大夫續風憲宏綱

明禮帖木兒 世祖學士承旨

明里帖木兒 世祖時諸王謀反伏誅

滅里鐵木兒 從泰定太子起兵上都為幹都蠻所執

徹里帖木兒 順帝朝平章權臣伯顏之黨請罷科舉太廟祭祀後以罪流

躍里帖木兒 迎明宗于漠北後守雲南

阿失鐵木兒 武宗時為河西來玉使者不果行

阿敕帖木兒 英宗朝樞密副使

阿刺帖木兒 世祖御史中丞

阿刺帖木兒 從泰定太子為樞密敗死

赤因帖木兒 太祖四世孫諸王

赤因帖木兒 武宗平章

赤斤鐵木兒

英宗平章預弑帝伏誅

脫因帖木兒

順帝朝擴廓之弟

脫烈鐵木兒

楚王睿宗四世孫

脫脫木兒

荆王拖雷曾孫

脫脫木兒

順帝親臣預廢伯顏

鐵木兒脫

英宗平章

鐵木兒脫

文宗御史大夫

帖木兒赤

文宗朝陽翟王

火沙賽帖木兒

文宗同樞密

晃火帖木兒

順帝朝并王與唐其勢謀反自殺

阿憐鐵木兒

英宗至文宗常為承旨講官修經世大典

篤憐鐵木兒

順帝宣政使

達識帖木邇

順帝江浙平章兵敗于張士誠被執死

鐵木兒塔識

順帝左相

速哥帖木兒

諸王拖雷六世孫

忙哥帖木兒

太祖之孫鎮西北邊

忙哥鐵木兒

武宗左丞以貪奸為仁宗所誅

渾都帖木兒

文宗朝諸王

學海類編
雲都思帖木兒

順帝時討雲南亂

唐古帖木兒

世祖親軍副指揮

鐵赤脫鐵木兒

成宗時爲安西王傅

只必帖木兒

世祖朝諸王太宗孫

曲春鐵木兒

仁宗朝諸王

明鐵木兒

文宗時河南右丞爲伯顏所殺

答蘭帖木兒

順帝江浙左丞附張士誠

普化帖木兒

順帝南臺御史大夫爲張士誠所逼死難

玉昔帖木兒

世祖宰相成宗太傅 見前

玉龍帖木兒

齊王

車力帖木兒

順帝陝西參政

徹力帖木兒

順帝行省參政

徹徹帖木兒

順帝御史

察罕帖木兒

沈邱民順帝時起義兵討亂爲陝西平章
見前

擴廓帖木兒

察罕之子爲左丞相從順帝北奔

虎都帖木祿

華言劉漢卿世祖名臣

阿里乞失帖木兒

太祖都元帥代高麗

月仙帖木兒

元初畏兀國王

阿的迷失帖木兒 世祖宿衛臣阿憐帖木之父

岳璘帖木爾 回鶻人附太祖為斷事官

鐵固思帖木而

篤堅帖木而 皆順帝丞相朶爾直班之子

別帖木兒 汾陽王太宗曾孫

別帖木兒

答帖木兒 順帝朝鎮南王子

別兒帖木兒 諸王

合賓帖木兒 諸王

重名第二

不花 為世祖將入蜀

不花 泰定太尉貪虐為盜所殺

脫不花 嗣鎮南王

別不花 武宗平章

別不花 明宗宦者

別不花 順帝江浙平章

鑊木兒不花 鎮西武靖王世祖孫

帖木兒不花 宣讓王世祖曾孫

一見

一見

一見

一見

三見

一見

一見

帖木兒不花

世祖朝都元帥從伯顏伐宋

三見

鐵木兒補花

高昌王

四見

帖木兒不花

雲南王顯宗曾孫

五見

鐵木兒不花

仁宗錄軍國重事

六見

帖木兒不花

泰定時宣徽院使逆臣鐵失黨

七見

鐵木兒補花

文宗御史大夫

八見

帖木兒不花

文宗朝雲南左丞討禿堅亂

九見

鐵木兒不花

文宗時為滇南平章遇亂死

十見

帖木兒不華

順帝左相

十一見

帖木兒補花

順帝都司同余闕死難

十二見

帖木兒不花

淮王順帝時死難 見前

十三見

雷帖木兒不花

順帝朝永平亂民

顏不花

順帝守江西道

不顏不花

順帝樞密同知討廣西徭

伯顏不花的斤

死陳友諒難 見前

趙伯顏不花

順帝宦者

姚伯顏不花

順帝朝反臣孛羅帖木之將

月古不花

成宗右丞相

月魯不花 文宗親臣與弒明宗 見前

月魯不花 順帝山南道廉訪 見前

月魯不花 順帝平章兼經筵 三見

燕者不花 順帝權臣伯顏之黨

燕只不花 順帝福建平章

燕赤不花 順帝御史劾罷左相搠思監

也先不花 世祖朝為太子傅湖廣行省左相 一見

也先不花 仁宗朝諸王 二見

也先不花 順帝中書右丞不花的斤之子 三見

也速不花 太宗曾孫

塔思不花 武宗左丞相

左塔不花 泰定參政

答失不花 文宗朝雲南反王

太不花 晉王甘麻刺侍臣 一見

泰不花 順帝湖廣左丞貪橫被殺 二見

泰不華 順帝台州路總管與方國珍戰死難 三見

褚不華 順帝朝江東廉訪守淮安城陷死難

忽魯不花 世祖丞相

忽都不花 順帝平章

兀魯思不花 英宗朝諸王與弑帝被流 見前

別兒怯不花 順帝右相

不花台者 文宗陝西蒙古都元帥

撒刺不花 順帝廣東廉訪使

秃堅不花 文宗朝雲南反王

劉哈刺不花 順帝同知樞密

朴不花 順帝宦者

炁火兒不花 并王

福丁失刺不花 文宗朝樞密謀誅燕帖木兒被貶

孛羅不花 文宗朝鎮南王

愛先不花 世祖宿州萬戶

帖木兒不花 世祖廣東宣慰使

阿鮮不花 世祖將修復宿州等處

也速不花 世祖朝諸王戍西番

口溫不花 世祖朝諸王

茶不花 世祖山東統軍

扎刺不花 世祖將 見前

按攤不花 世祖皇孫

按梯不花 英宗朝諸王與弒帝謀 見前

也只里不花 成宗朝諸王

也的古不花 諸王世祖曾孫

明里不花 武宗平章

迭里哥兒不花 湘甯王顯宗子

阿沙不花 世祖宿衛臣 見前

玉蓮赤不花 仁宗學士

完者不花 仁宗司農卿

寬徹不花 泰定朝威順王

曲呂不花 英宗朝諸王與弒帝謀 見前

闊闊不花 太祖伐金將

哈刺不花 成宗沿海萬戶

晃忽而不花 英宗平章乃蠻台之子

君不花

愛不花

拙里不花 皆駙馬北平王之子

重名第三

伯顏 世祖朝平江南位樞密太傅 見前 一見

伯顏 世祖朝自江浙行省入為中書平章政事時樞密伯顏方鎮北邊次年方得代還明是同時有兩伯顏也 二見

伯顏 世祖朝海都之黨為伯帖木兒所擒 三見

伯顏 成宗朝執政奸臣 見前 四見

伯顏 以兵立文宗後奸橫貶死于順帝朝 見前 五見

伯顏 脫脫為相伯顏參政在順帝九年在伯顏六年已死 六見

伯顏 道學名士順帝朝河北遇盜死難 七見

伯顏 士官楊完者之弟順帝朝為張士誠所害 八見

柏顏 順帝集賢大學士 九見

伯顏察兒 世祖朝參政即平章伯顏之弟與兄同在政府 一見

伯顏察兒 文宗朝雲南反將伯忽之弟 二見

賀伯顏 仁宗朝上都畱守為鐵木迭兒所譖死 一見

賀伯顏 仁宗朝奸臣鐵木之黨為英宗所誅 二見

伯顏朶兒 泰定將為仁宗所流 一見

胡伯顏 順帝朝義兵元帥余闕將 一見

伯顏子中 順帝朝吏部侍郎明興詔聘不就死 一見

王伯顏 泰定內侍 一見

元史備忘錄

元史備忘錄

元史備忘錄

元史備忘錄

元史備忘錄

元史備忘錄

王伯顏 順帝朝福甯知州 見前

伯顏溥化 順帝八番等處宣慰使

章伯顏 順帝朝左丞撫州人以便宜自署守省城有功

鄒伯顏 順帝朝建甯崇安縣尹

重名第四

塔刺海 武宗左相

塔刺海 燕帖木兒子養為皇子

阿塔海 世祖朝以千戶從伐宋

塔刺 武宗平章以奸為文宗所誅

塔海 世祖朝樞密僉事

重名第五

脫脫 太祖孫鎮西北邊

脫脫 太祖時蔑里乞部長

脫脫 世祖千戶從征江南

脫脫 遼王鎮雲南泰定文宗朝

脫脫 武宗朝為右相木華黎裔

脫脫 武宗朝貪臣進沈香欲帝作室

脫脫 英宗朝駙馬

二見

一見

二見

一見

二見

三見

四見

五見

六見

七見

脫脫 泰定朝參議

八見

脫脫 順帝朝右相伯顏養子 見前

九見

脫兀脫 憲宗時劉秉忠薦治邢州

康里脫脫 武宗朝臣

脫脫木兒 武宗平章

一見

脫脫木兒 睿宗曾孫諸王

二見

脫脫木兒 仁宗朝駙馬

三見

方脫脫 順帝朝亂民

脫脫忽 世祖朝擬參政帝謂人奴之奴

脫脫不花 順帝朝高麗史瀋王之孫

脫脫蒙哥 太祖孫鎮西北邊

脫脫哈 成宗御史大夫玉昔帖木兒子

重名第六

蒙哥 憲宗

一見

蒙哥 世祖高麗東甯安撫大使

二見

也速蒙哥 太祖孫

蒙哥都 諸王太宗孫

重名第七

阿里 世祖朝中書右丞

阿里伯 世祖朝江淮行省平章

阿里不哥 憲宗子叛王

阿里海牙 世祖南征將湖廣行省左丞 見前

阿里海牙 文宗入立以兵守汴邊西兵亂行省平章 一見

阿里海牙 順帝朝由政府出為河南右丞 三見

阿里普海牙 布魯海牙之叔

阿不海牙 文宗河南行省平章

阿卜海牙 仁宗朝平章

忽失海牙 世祖朝阿里海牙子

塔失海牙 順帝樞密

中都海牙 世祖朝禮部尚書

忽都海牙 順帝荆門行省平章

布魯海牙 廉希憲之父世祖朝宣慰

文殊海牙 陳友定將降明

蠻子海牙 順帝朝江浙左丞

廉惠山海牙 希憲之從孫順帝學士承旨

脫烈海牙 仁宗吏部尚書終淮東宣慰

鐵牙海牙 仁宗御史大夫

月舉連赤海牙 世祖四川行省參政

重名第八

巴而朮阿而忒的斤 高昌王始附太祖

玉古倫赤的斤 巴而朮子

馬木刺的斤 玉古倫子

火赤哈兒的斤 馬木刺子

紐林的斤 火赤子以上同傳

雪雪的斤 駙馬都尉高昌王

朶爾的斤 駙馬都尉荆南王

也罕的斤 世祖參政

重名第九

脫歡 開國將傅爾忽子

脫歡 安定王闊列堅五世孫

脫歡 世祖皇子鎮南王

脫歡 世祖千戶從阿朮伐宋

脫歡 世祖朝斷事官守四川

脫歡 仁宗中丞泰定左相

一見

一見

二見

三見

四見

五見

六見

脫歡 泰定江浙行省左相哈刺哈孫

七見

脫歡 文宗朝湖廣行省平章討雲南亂

八見

脫歡 文宗朝諸王

九見

脫驩 順帝朝樞密也先忽都之部將擒叛王阿魯

十見

脫歡 武宗浙東宣慰同知

一見

脫歡 答刺罕 仁宗御史大夫

一見

劉脫歡 文宗湖廣平章

一見

重名第十

闊闊 世祖成宗朝梁王守北邊

一見

闊闊 世祖朝大名宣撫以好學聞

二見

闊闊出 世祖朝諸王守北邊

一見

闊闊出 世祖大甯路總管

二見

闊闊出 仁宗朝上都畱守儀同三司

三見

闊闊水 成宗朝湖廣廉訪

一見

闊闊帶 世祖雲南王傅謀毒王伏誅

一見

闊闊帶 世祖朝諸王察合之子以叛被執

二見

闊闊台 文宗平章 見前

一見

重名第十一

孛羅 太祖將

一見

孛羅 世祖朝樞密

二見

孛羅 明宗朝蒙古萬戶

三見

孛羅 順帝朝雲南王

四見

孛羅台 英宗朝宦官欲以為太常不果

重名第十二

失烈門 憲宗將博爾忽孫

一見

失烈門 定宗時諸王曲出之子以厭襪被謫

二見

失烈門 仁宗太后幸臣 見前

三見

失烈門 順帝朝左相

四見

重名第十三

塔察 仁宗陝西平章

塔察兒 太宗伐金元帥

一見

塔察兒 世祖丞相

二見

塔察兒 文宗陝西平章

三見

秃塔察兒 憲宗時諸王

重名第十四

也的迷失 世祖廣東宣慰

撒的迷失

世祖參政

月的迷失

世祖樞密副使

鎖咳兒哈的迷失

英宗直諫御史

都兒迷失

泰定學士承旨

忙兀魯迷失

世祖將征八百媳婦國

脫忽思海迷失

仁宗朝諸王

也忒迷失

順帝浙東元帥攻敗方國珍

秃思迷失

順帝淮南行省平章

玉笏迷失

力渾迷失

皆世祖朝塔塔統阿之子

亦黑迷失

世祖朝平章屢使海外諸國

見前

一見

亦黑迷失

世祖福建平章

見前

二見

阿答里迷失

西甯王

重名第十五

忽都

世祖總管從百家奴伐蜀

一見

忽都

世祖朝南宿州鎮將

二見

忽都花別吉

太祖時別蕃部長來降者

忽都華

木華黎三世孫

忽都忽 太祖將

忽都答 世祖總管忽都之弟襲其職

忽都答兒 世祖中書左丞

忽都虎 世祖萬戶太宗時總領戶口

忽都魯兒 仁宗學士承旨

忽都魯 文宗奎章閣學士鐵失黨

牙忽都 楚王睿宗庶子

也里忽都 順帝御史

也先忽都 英宗朝鐵失之黨

也先忽都 順帝朝樞密為丞相太平子

重名第十六

朶兒只 諸王世祖長子

朶兒只 順帝宰相

朶兒只 英宗朝呪師往牙濟班卜取經

八魯朶兒只 諸王世祖曾孫

楊朶兒只 仁宗中丞 見前

朶兒只班 安定王闊列堅五世孫

朶兒直班 順帝平章 見前

亦憐真班 順帝朝江西平章

亦憐質班 甯宗

重名第十七

只兒哈郎 英宗平章

執禮哈郎 順帝朝翰林待制

重名第十八

曲出 定宗諸王

曲出 仁宗太保

重名第十九

阿朮 世祖平章 見前

阿朮魯 太祖朝諸王

重名第二十

速哥 太祖朝山西達魯花赤

速哥 憲宗都元帥伐蜀

任速哥 見知英宗及泰定崩乃發大計明迎宗以誅國

重名第二十一

完澤 世祖成宗宰相 見前

完澤 世祖成宗朝行省右丞征廣西卒于軍

桂完澤

順帝朝鎮撫捍昱嶺關死難

重名第二十二

忽辛

世祖朝賽典赤之子代父鎮雲南

一見

忽辛

世祖朝阿合馬之子 見前

二見

重名第二十三

兀良哈台

憲宗將及事世祖伐宋征叛王

悟良合台

順帝河南平章

重名第二十四

桑哥

世祖朝奸臣 見前

一見

桑哥

順帝朝高昌王月魯帖木兒之子

二見

桑哥班

仁宗朝諸王

桑哥失里

順帝朝平章

桑哥不刺

世祖朝特薛禪之孫封魯王

重名第二十五

鐵哥

世祖司農卿

一見

鐵哥

仁宗太傅

二見

鐵哥刺真

世祖平章知典故

鐵哥朮

世祖婺州路總管

重名第十二六

察罕 太宗諸王將伐金

一見

察罕 仁宗平章

二見

重名第二十七

阿合馬 世祖左相權臣 見前

一見

阿合馬 世祖拱衛直司都指揮

二見

俚名第一

安童 世祖開國丞相 見前

一見

安童 萬戶石抹狗狗之子

二見

王安童 順帝朝兵部尙書

和童 東平王木華黎裔

定童 及和童俱安童弟

童童 英宗朝河南平章

道童 順帝江南守帥城陷死

壽童 世祖朝屯田萬戶

一見

壽童 順帝朝泰不華之子

二見

堅童 世祖朝行省平章

慶童 順帝左相死難 見前

昌童 諸王拖雷孫

俚名第二

和尚 世祖朝宣撫使從伯顏伐宋

一見

和尚 文宗朝副千戶從燕帖木兒起兵

二見

和尚 順帝朝鎮南王寬徹普化之子

三見

俚名第三

太平 陽翟王太宗五世孫

一見

太平 順帝右相

二見

太平 文宗第三子

俚名第四

馬兒 鐵木迭兒黨 見前

烏馬兒 世祖將從阿朮攻泰州

一見

烏馬兒 鐵木迭兒黨 見前

二見

烏馬兒 順帝朝將作判官

三見

烏馬兒 順帝朝孛羅帖木兒將

四見

烏馬兒孫 順帝朝翰林待制招張士誠不屈死

俚名第五

黑驢 仁宗平章鐵木迭兒之黨太后倖臣

黑馬 太祖伐金將

丑驢 仁宗朝太尉

丑驢 順帝朝安陸知府

洪丑驢 順帝河南參政

張驢 仁宗平章少保

張拗驢 安州人世祖時以假印誅

劉驢兒 世祖朝亂民

王驢兒 英宗朝亂民

買驢 英宗朝亦列失八子有罪籍沒

買驢 英宗朝以中書舍人征廣西徭

咬驢 文宗給事中

拾得驢 英宗朝桓國公

黑狗者 文宗宦官中政使

石抹狗狗 世祖萬戶

郭狗狗 元初平陽孝子

一見

一見

一見

寧豬狗 元初山丹州孝子

俚名第六

孀哥 順帝監察御史

咬咬 河南平章

雷一聲 順帝朝亂民

幹耳朶 明宗大司徒

蠻子 順帝朝文濟王

蠻子 順帝朝平章代也先

潑皮朮 泰定丞相倒刺沙之子

一見

二見

丑的 順帝御史

醜漢 仁宗朝諸王

百家奴 唆都之子從伯顏伐宋

眾家奴 順帝太保

咬住 世祖朝宦者

咬住 英宗朝中政使鐵木迭兒之黨

曹咬住 仁宗朝伶人欲以為禮部尚書不果

銷住 鐵木迭兒子

黑漢 泰定榆林指揮

一見

二見

黑廝 順帝朝平章

破頭 順帝朝劉福通將

孀頭 世祖朝禮部郎中使安南

線哥 世祖朝湖廣行省

俚名第七

五十九 順帝朝監察御史

六十 世祖朝諸王塔海之弟

七十 順帝朝平章

八十奴 順帝利用監丞

俚名第八

觀音奴 泰定朝歸德知府循吏

觀音奴 鐵木迭兒子

觀音奴 順帝朝趙王官屬之子代王受刺贈同知

觀音奴 順帝朝樞密副使擒叛臣老的沙

觀音保 世祖朝屯田萬戶

觀音保 英宗朝直諫御史

觀音叔 從順帝北遁元主死叔葬之

三寶奴 武宗執政奸臣 見前

三寶奴 順帝朝蘭州脫脫之子

二見

三寶奴 順帝后奇氏族子

三見

明氏實錄

明 新都楊學可

編

夏國主姓明氏諱玉珍湖廣隨州人也母夢與神遇遂
娠而生珍珍長有異相身高八尺二目重瞳家世以農
畝爲業珍素有大志不屑爲也至正辛卯兵起潁蔡閒
玉珍一日謂鄉耆老曰元君無道天下兵起荼毒吾儕
將亦不免也爲之奈何耆老對曰明公平日勇略人所
信畏集鄉兵屯青山量力審時大則進取小則自衛盍
策之玉珍曰善因部署諸鄉豪因分屯要害且修柵治

城以有眾十餘萬眾遂推爲屯長會王辰徐壽輝兵起於蘄越癸巳冬十一月稱號建都漢陽遣使招玉珍曰予起兵舉義期逐元虜以靖中夏若歸共圖大事甚善不來且先加兵珍懼且欲保護鄉里不得已從焉壽輝待以殊禮授統兵征虜大元帥仍領所部益兵俾鎮沔陽時元帥哈麻禿爲患洞庭珍以兵誅之連戰湖中爲流矢中右目甲午秋沔陽水澇連年民採菜魚而食乙未春珍領兵萬餘駕斗船五十艘至夔州府哨糧時夷陵皆屬徐國參政姜珏所轄珍泝流巫峽糧皆滿載蜀

人亦不覺有擾也丙申冬珍自巫峽將還先是元義兵元帥楊漢領精兵五千屯兵西寨重慶行省右丞相完者都齋宣招納丁酉春三月完者都與漢飲酒閒殺之圖有漢眾漢將士謀復讎不克憤怒擄船下流至是遇珍投焉且訴其所由因言重慶城中止有左丞哈麻禿右丞完者都別無重兵厚貯况二人懷異甚不相得請盡力攻之全蜀可圖也珍猶豫未決萬戶戴壽進曰明公修兵沔陽爲民也哨糧於蜀亦爲民也不若發糧十之三回沔以濟荒存其餘同漢兵以取重慶事濟則有

爲否則掠其財物而歸何損也且此兵之出窺隴蜀據上流保荆襄開糧道一舉三得幸無他慮珍從之是時蜀中承平日久俄見兵船遠近騷動完者都率所部夜遁生擒哈麻禿重慶城中父老焚香拜迎道左珍禁止侵掠秋毫無犯由是四外投降絡繹卽遣使解送哈麻禿等并捷報至徐國丁酉秋徐授珍以隴蜀省右丞戊戌春二月完者都自果州來會蜀省平章卽革歹參政趙資率兵屯嘉定州謀取重慶珍調義弟明三領兵泝流圍攻嘉定未克相守半載珍兵駐瀘州宣使劉澤民

曰此閒元進士劉楨字維國者有文章能政事歷仕大石路經歷因青巾李喜入蜀大肆殺戮隱居方山曷往見焉珍曰可與俱來澤民曰此人可就見不能招也翼日珍往見之與語喜曰吾得一孔明也邀至舟中與論國事拜爲理問己亥遣使進貢于徐國珍親領兵至嘉定圍之令明三率銳兵直趨成都時平章買奴參政韓叔亨爲青城賊所執城中窘迫惟都事薛元理署省事守城兵皆新募者一聞明兵至大驚潰明三領兵徑入省中擄郎革歹趙資妻子順流而歸郎革歹妻謂舟中

人曰吾家祖宗三世受羊皮宣命吾爲平章夫人義不受辱自投于江明三以趙資妻見珍珍待以禮曰執政乃吾中國人何故反爲元虜守戰夫人能招使降當裂土以贈異日兩軍會戰珍驅資妻子臨陣謂資曰妾與鎖兒受擒于此明公甚以禮待參政念結髮之情救子母之命言旣號泣兩軍觀者淚下資駐馬執弓厲聲曰癡婦不死何待乃引弓發矢中其胷臆之上珍揮兵勇進左右刦襲元兵大潰遂生擒完者都郎革歹趙資至重慶戮于大十字街以禮葬之庚子春陳友諒殺徐主

壽輝自立爲帝珍曰友諒倪文進在徐國同爲臣子今弑逆其主徐當討之遂令莫仁壽領兵守夔不與相通立徐廟于城南春秋奉祀眾推玉珍爲隴蜀王因下令曰元朝運去中國豪傑竝起而逐之予本鄉農因亂爲眾所推殆爲自保豈敢圖人邇者義兵一起羣醜底平湖湘向化顧茲蜀地久被青巾之亂莫有爲之剪除者予奉天誅罪豈能自安已經殄滅兇徒幸爾坐收全蜀是乃天意夫豈人謀方今圖爲畫一之規與民共享太平之治誠恐百姓不知以予爲爭地殺人之師非弔民

學海類編 卷之三
四
史
伐罪之舉予取爾蜀于青巾之手非取諸元爾輩亦當復見中華文明之化不可安于元人之陋習也更宜洗心從治慎弗取惡招尤辛丑夏四月拜劉楨爲王國參謀朝夕侍講書史裁決政事楨一日屏人從容說珍曰西蜀形勝雖小沃野千里北有劍門可以窺隴西東有夔塘可以達江左今民遭青巾之苦幸獲扶養頗得蘇息人心之歸天命可知他日大事可舉也此時若不稱大號以繫人心軍士俱四方之人思其鄉土而去明君雖自保全蜀尙難况欲天下乎珍勿聽明日劉楨又言

戴壽張文炳力贊之聲息已彰于外悅服者多珍不得已資謀于眾從焉

天統元年壬寅春三月戊辰祭告天地卽皇帝位建都重慶國號大夏改元天統詔曰天生斯民必立司牧夏商周之迭運漢唐宋之繼統其來遠矣元以北人汚我中夏倫理以之晦冥人物爲之銷滅咸云天數敢謂人謀邇者子孫失道運祚衰微上天有命示厭棄之機豪傑乘時興驅逐之策惟我國家肇迹湖湘志欲除暴救民聊爾建邦啓土成湯七十里盛德已振于三巴歷數

八百年神功終收于一統上承天命下順民心謹以壬寅年三月初一日祭告天地祖宗及歷代帝王卽皇帝位國號曰大夏其以今年爲天統元年嗚呼恭行天罰革彼左衽之卑污昭顯茂功成我文明之大治尙賴遠近豪傑勿吝嘉謀庶幾大小臣工協登偉績立郊社祭以春秋追帝其四代立廟祭以四時分蜀地爲八道行周制設六卿拜戴壽爲冢宰明三復姓名萬勝爲司馬張文炳爲司空尙大亨莫仁壽爲司寇吳友仁周興爲司徒劉楨爲宗伯置翰林院拜年徒圖南爲丞相史天

章爲學士立明昇爲皇太子朝夕受學焉內設國子監教公卿子弟外設提舉司教授所教養郡縣生徒府置官曰刺史州置官曰太守縣置官曰縣令去釋老二教并彌勒堂始定賦稅十取其一夫家無力役之征立進士科八道鄉試充貢有日次年會試宗伯廷試分五及第出身置雅樂置奉天征虜大將軍府于漢中以進取陝右置奉天征蠻大將軍府于夷陵以進取友諒秋廷試進士賜董璧八人及第餘皆出身有差冬命萬勝領兵出漢中攻刺踏坎侯普顏達失平章走獲其人馬萬

勝報捷而還

天統二年癸卯春命萬勝領兵十一萬攻雲南由界首入司寇鄒興由建昌入指揮芝麻李由甯番入二月初八抵雲南屯兵金馬山鄒李皆不至梁王孛羅雲南省廉訪司官先二日已走勝遣使四方告諭招安繼日齎宣牌面納降降者不可枚舉即遣侍中楊源進表解眾以聞其表曰聖德孔昭誕受維新之命王師所至宜無不服之邦大軍既發于三巴逾月遂平于六詔窮民交賀遠近同懽恭惟皇帝陛下智勇如湯文明協舜深慨

中華之貴反爲左衽之流矧在位之貪殘致生民之困悴恭行天罰遂平定于多方禮順人情即進登于五位睠茲南詔鄰彼西戎藩公挾便宜行事之文專任儉人恣行饕餮郡守無惻怛愛民之意肆爲虐政害仍黔黎下詔楊庭出師討罪初臨烏撒蠻酋納款以供輸繼次烏降敵眾望風而奔潰遂由驛路直入滇池士民冒雨以爭降官吏叩頭而請罪一毫不犯萬里皆安勝等愧以庸才欽承威命凡此大勲之集甚非小器之能皆聖人大庇之洪休抑諸將効勞之忠力也深入不毛臣愧

偶同于諸葛誕敷文命帝德齊命于有虞此文乃鄒興撰也夏四月梁王傳官大都領兵來攻城萬勝領兵回哨且孤軍深入大理約兵又不至戰士又多中傷于是畱遂水元帥府千戶聶董等領八千人與大都拒守同馬引兵還九月表韓氏女爲貞烈己酉辟劉湛爲仁壽縣教授湛學行優裕造就人才陞爲國子監祭酒天統三年甲辰命萬勝領兵攻興元城不克而還巴州叛命司寇鄒興克之畱官鎮守

天統四年乙巳春更六卿爲中書省樞密院戴壽爲左

丞相萬勝爲右丞相向大亨張文炳爲知院鄒興爲平章俾鎮成都吳友仁爲平章俾鎮保甯莫仁壽爲平章俾鎮夔關鄧元帥爲平章俾鎮通江江寶英爲參政俾鎮播州荆玉爲宣慰俾鎮永甯商希孟爲宣慰俾鎮黔南冬徐圖參政姜珏來朝仍令守夷陵就役屯種置倉以瞻軍用是年吳王始遣都司孫養浩來結好書曰吳王奉書夏國皇帝閒者得姜珏誥命文義妥貼辛卯歲兵起蔡潁有陳友諒恃其土地之廣甲兵之強一旦迫區區之境不得已而應之三年遂滅元人本處沙塞今

學海類編 卷之二 四 史參
反居中原是冠履倒置足下應時而起居國上流區區
有長江之險相爲唇齒協心同力并復中原事定之日
各守疆宇特遣使通好惟足下圖之秋遣參議江嚴答
聘其書曰夏國皇帝奉書吳王足下邇者元人運衰中
原氣盛天必降生豪傑驅逐元虜以爲生民主是乃天
意之有在也第以中原人物解此者少尙爲彼用殊爲
可惡足下應運而興日視赤子之塗炭想亦不忍也區
區人馬二十萬北出漢中東下荆楚期靖殘虜以安黎
庶特遣使奉復通好不敢後約唯高明諒之冬威順王

普顏遣平章領兵由雲南偷行小徑入陝西丞相戴壽
追襲至秦州弗獲而還是月全蜀星隕如雨

天統五年丙午春夏主不豫召臣下諭之曰中原未平
元虜未逐予志不能遂也此殆天意今西蜀險塞予沒
後汝等同心協力但可自守慎勿妄窺中原亦不可與
各鄰國構隙言畢遂殞在位五年壽三十六葬江北永
昌陵羣臣尊上廟號曰太祖文武至聖皇帝遺詔太子
卽位遣使報訃于吳及各國兼致遺物

方孝孺曰夏主方有意于據蜀各郡臣民遭青巾之

虐百無一二夏主幸致躬行儉約興文教辟異端禁
侵掠薄稅斂一方咸賴小康焉惜不能謹之于始私
家倍于公室倉帑空虛不能展其疆界歷年雖不永
民至今感歎焉不能文詞閒盡其賢也

夏太子昇卽皇帝位年十歲尊母彭氏爲皇太后垂簾
同聽政立妃王氏爲皇后改元開熙詔曰皇天眷命篤
生我太祖皇帝恭行弔伐創業開基期靖中原以登至
治顧大業未就龍馭上升舉國臣民攀號莫及予小子
哀疚在躬而臣民以嗣位爲請謂神器難以久虛國家

不可無主懇請再三辭避無術謹于四月初一日祇告
天地祖宗卽皇帝位子稚年涼德忝任君師惟敬天以
勤民在修身而法祖纘承烈緒廣鴻業以無疆誕布武
文祈天命于有永尙賴臣工協志同濟時艱補闕拾遺
匡予不逮其以明年爲開熙元年除舊敷新與民更始
仍遣使詣吳及諸國告卽位吳王遣使來弔祭又遣使
來送葬又遣使賀卽位丞相萬勝與知院張文炳有隙
密遣人殺之內府舍人明照等復矯后旨召勝入縊殺
于崇文樓下拜劉楨爲右丞相

楊學可曰右丞相萬勝者德安府黃陂縣人也年當壯歲智勇過人夏主寵愛之妻以弟婦故稱爲明三數歲總兵征討信賞必罰士卒樂從所向克敵開國之功良多及夏主賓天主幼母后臨朝小人閒謀張萬自相屠戮非有罪而誅不及五載而國遂亡是自取之也

秋廷試進士龐百里等六人及第餘出身有差幼主吟桂花詩賜諸進士詩曰萬物凋殘我獨芳花心金粟帶微黃莫言些少難堪玩露冷風清大地香命丞相戴壽

領兵攻烏撒不克而還

開熙元年丁未保甯鎮守平章吳友仁移文于郡縣曰昔與夏主自沔陽而至重慶共樹奇勲開邦啓土今日者矯旨殺戮功臣我輩甯能自保乎遂據城謀叛遣使與陝西李思齊張良弼通而幼主數調兵征伐皆敗而還

開熙二年戊申大明皇帝來告卽位遣平章鄒敬奉書往賀四月丞相戴壽總兵八萬征吳友仁友仁入城自守謂壽曰不須用兵可遣參政文彥彬來卽投降是日

遂遣彥彬入城友仁與彥彬約丞相可設策將義子明昭等誅之不然必爲所害壽回奏事因朝會設計擒明昭等盡誅之友仁同彥彬至重慶請罪謝恩

開熙三年己酉大明遣使求木植丞相戴壽不與秋丞相劉楨卒楨元進士精于易數導明主修道盡逐元人以安中夏詔令多所代製人比之孔明云

開熙四年庚戌大明遣使借路攻雲南丞相戴壽不允秋再遣參政蔡來兼致禮物又不允明夏竟絕和好冬大明命湯和爲征西將軍平章廖永忠副之攻夔關

戴丞相向知院峽中設天橋預備船至以木頭檣下輒碎竟不得上屢戰不勝退兵峽外重慶城中每虛驚禁不能止

開熙五年辛亥春大明總兵穎川侯傅友德帥兵十萬路從階文攀緣山谷晝夜兼行蜀將平章丁世珍率眾來拒友德擊敗之生擒其將雙刀王等十八人遂克階川蜀人斷白龍江以阻我師友德修橋以渡奮兵擊攻拔果陽白水江蜀人不戰驚遁友德遣人諭降之俾各還本業兵趨縣州至漢江進取漢州友德欲以軍中消

學海類編 卷之三 史參
息達湯和通江水暴漲乃以木牌數千書克階文縣州
日月投漢江順流而下重慶守者見之爲之解體先是
夏戴壽等聞階文不守遂留鄒平章守夔關引兵救成
都至是屢與傅總兵戰大敗入城堅壁自守傅圍兵圍
之會廖平章亦得木牌於巫峽乘虛併力攻夔關直抵
重慶城下六月二十一日夏丞相劉仁扶幼主并皇太
后彭氏齎符璽詣軍門降在位六年時十六歲成都兵
皆被困躡藉死者甚眾會湯和至遣其子納款降友德
按兵入自東門秋毫無犯成都既平分兵徇下川蜀之

未平者因籍其兵壯置守各要害得路府七元帥府八
宣慰宣撫司二十五州三十七縣六十七官吏將士五
萬九百九十人馬騾一萬三千八百餘匹友德同廖永
忠遣指揮高德送幼主并彭后符璽及金印冠冕儀仗
銀印五十八銅印六百四十送至京師大明封幼主爲
歸命侯彭后爲王妃賜甲第以居以劉仁爲應天府府
尹餘除授職有差明氏前後二主起於至正辛丑止於
洪武辛亥共十一年

方孝孺曰幼主雖春秋未富德性純雅通孝經論語

學海類編
卷之三
三
史參
爲權臣執國命不能宰制所以內相屠戮自剪其羽翼是以國內空虛天戈一揮若崩厥角歸于大明一統固其宜也

附錄

當玉珍時辟鳳山趙善璞爲翰林學士善璞不就退隱于樂殯山中所著有陶真集正誼藁行于世自述一歌曰錦里棲遲處飄然遠俗囂地偏車馬少山近市塵遙謝事惟求避居官懶折腰讀書明至道忘味學遺韶對坐花千點充飢水一瓢放情隨洒落得句自推敲種竹開三徑橫琴詠九皋唐虞今在上許我學由巢

學中集國內空虛之...
 自耕熈蘇首開三...
 學畫隨樓坐...
 市裏盜撫事...
 一...
 謝于樂...
 當王...
 州...

天啓宮詞序

楊鐵崖稱宮詞為詩家大香奩僕謂此皇家大竹枝也
 道細事而不俚作豔語而不傷於巧總不許邨學究道
 隻字始唐人為之原本離騷美人之思自寫其情而不
 及事雖云宮詞亦曰宮怨至王秘監仲初則以上家充
 依密記如漢秘辛瓌瓌瑟瑟者悉著之祇言事而不言
 情特命曰宮詞後人遞相祖述寵之為可補二史諸小
 說之闕絲是宮詞與宮怨有閒矣僕今此詞竊欲顰效
 仲初而仲初所詠事皆行樂僕則幽悽哀惋纏綿悱惻

學海類編
大抵多悲音云蓋熹廟在御時閹嫗交訐椒難卒發掖
庭姪娥惴惴晨夕不自保稽事揣情當有一種牢愁憂
受之况所以其言似頌似諷似慰似懟往往有欲言者
不能出諸口或心不欲言而不覺言又及之憂讒畏譏
自怨怨人情之所至亦何能已也矧風有綠衣終風雅
有白華皆怨祖也綱常變而懲創明獨不可與言天啓
宮詞耶崇禎癸未三月秀水蔣之翹楚穉氏自序

天啓宮詞

明 秀水蔣之翹楚穉著

先皇百二舊神都三殿重輝紫極圖宣押鴻臚趨護戟
拜恩五等一門俱

時皇極三殿告成忠賢晉秩上公魏良卿封甯國世
襲給鐵券

文華開著五雲堆柘帕盤龍進璽來陛下自今辭白版
爐烟不動北辰嵬

河南撫臣程紹袁進玉璽上御文華殿受璽慶賀

學海類編
天啓宮詞
排空金殿旭雲光
第一千官肅鷺行
御側何人偏指顧
插冠貂尾幾多長

已叶河清三日兆
將將又見鳳歸昌
小臣漫進呈祥賦
不用房中製樂章

三年三月鳳凰集于宋州翰林待詔宋啓明獻賦

十二龍旂大閱翻
冠軍更識聖人尊
九邊羽檄防秋急
只在親勞細柳屯

閣臣沈淮請復內操爲忠賢內鎮守之基

繡栢金鋪天上頭
颯風笳鼓似邊州
觀兵豈爲誇雄武
一淨遼雲萬里秋

忠賢導上以武每月愆
憑御操內兵賞賚甚渥

鞞鐸朝聞出未央
打毬夜散鬪雞場
老臣不解君王意
祇乞重繙日講章

元輔葉向高揭請溫習講過經書

絲鞭聲肅退金鑾
一字班行盡內官
珠總已垂新式樣

蟒紋貼裏又加襪

舊制內臣佩牙牌
總以紅線忠賢創
爲珠總又改蟒

學海類編卷之二
天啓宮詞
貼裏膝欄下復加一欄曰三欄貼裏
梳粧墮卻北臺坡校地平光好試戈貂珥軍容天寶竝
不推神臂擅宣和

內校場在蕭后梳粧臺之東北臺之西北卽乾德殿
是也

掖庭底事見兵符介冑威嚴可有鬚鬪地殷旬雷礮激
高張毳幙演擒胡

每操試紅衣大砲宮闕悉爲震動

阿誰走馬御階前雲繞花韉電作鞭明主自知好手眼

應弦驚落玉連錢

忠賢馳馬御前上射殺其馬

草枯風疾露方稀西籞尋常正掩圍手斫兔狐貪日睨
漓漓血染袞龍飛

忠賢以慘殺導上游獵時上必手剗狐兔以首體異
處日尙轉動爲樂○睨目動也

小隊戎裝扈蹕回烟銷三眼夕陽頽競誇左射雙鷓落
甯顧長楊諷諫才

忠賢素善左手設弦每多奇中

學海類編 卷之三 天啓宮詞
銜花紫鳳集宸軒太樂春官禮數煩徧賞紅羅臨樺燭
阿誰不識母儀尊

元年四月二十七日大婚發冊奉迎皇后張氏
十二笄聯燦紫磨扇篋雲簇月生波兩行引贊交迎跪
撒果爭聞唱得多

撒帳果卽唐宋撒帳錢遺制世俗合盞至今有此但
皇家宮人撒之盛于帝后衣裾云得子多也此爲張

皇后詠

大事多教屬厥臣手營窄殿秘如神氎氎恰受三人坐

藻井鉤欄色色新

帝性喜土木日夕躬自營繕小房瑇鏤刻畫工師莫
大及非親暱內臣不得見

墀開七寶障流蘇巧鑿銅缸輸灌殊灑瀑瀆珠勞睿思
水尖宛轉弄胡蘆

帝自作水戲用大缸盛水覆以桶鑿孔設機啓閉灌
輸使其水上注借力衝擁圓木毬盤旋宛轉久而不

墜

咸安難燭壁流輝六院沈沈月影微暗屬管弦休作徹

夜深龍馭醉無歸

客氏初住乾西直房時遷咸安穆廟陳皇后宮也

賢良特薦策書騫雉尾朝開豹尾翻玉管斜揮親擢士

臚傳信國好兒孫

舊制御批第一甲三名卷用玉管筆時首科狀元文

震孟

大官包餽惜芳牙玉食須供自外家乞得餘泔爭問訊

珠盤擎著漫矜誇

帝每日進膳皆客氏名下內官辦送名曰老大家膳

珥筆追隨問起居殿頭無事職成虛但看御酒供來旨
錄得嘉名百十餘

御酒房所造不過竹葉青數種賢在外造辦轉于御
茶房進上有金盤露荷花蕊佛手湯君子湯瓊酥天
乳等名

櫻桃灼爍北園春珍味朝來報貢新時薦寢宮猶未入
剔金合裏送夫人

北果園櫻桃其實美于他產內庭最爲珍味
中貴承恩寵錫殊尙方珍異世閒無鐸針新樣團雙鳳

吉字口銜青亞姑
鐸針以金銀珠寶鑲成近侍嵌居帽中其名有大吉
胡盧萬年吉慶等名

翩翩翠蓋引鸞輿輦道西開不用除急救信王陪羽獵
勛勤宮內正繙書

思廟于天啓二年冊封信王居勛勤宮

臨河神蜈蚣如蠶銀合盛將帝澤函蟬鬢秀才嬌代語
付教放著黑龍潭

二年十月有龍見北花房河下長數寸鱗爪畢具宋

太監晉裝盒進呈宮中傳看放黑龍潭中

羽衛宜春曉色蒼二宮禋獻鬱金黃千羣女侍排當立
縞帶微沾俎豆香

元年六月二十三日爲光廟孝和皇后禫服之期帝
率三宮詣城南宜春宮行祭奠禮

平明坐版入宮來鐸響繚垣未見迴乞賜一顆龍紐篆
銀黃突兀壓妝臺

客氏在宮乘轎內官擡走儼如先朝嬪妃止缺一青
蓋五年四月賜客氏金印方二寸四爪龍紐重二百

學海類編卷之二十四
天啓宮詞
兩正辛酉日賜客月金日次二十四八
回龍別觀百曠勻錦瓣黃鬚夢上辰不是天香竝傾國
如何亦得倚闌頻

回龍觀多海棠花時駕幸客氏從焉
樹影觚稜月色高螭坳騶唱列旌旄鏡簫競起嬌心怯
抹額盤龍舞孟勞

帝時習舞刀劍于乾清殿中夜不休

青紅錦罽地衣光秘殿安排蹴鞠場卻見背身驚蹋送
綵珠偏打御肩旁

長樂宮于萬歷四十四年改名永壽時爲忠賢與帝
打球之所

便殿時臨草本呈葳蕤雲縟九花明中璫密奏緣何事
指點梁山泊上名

崔呈秀進天鑑同志點將諸錄于賢備錄東林諸公
姓名指爲邪黨其點將錄則水滸傳天罡地煞分配
諸人忠賢託王體乾奏處爲一網打盡之計

沈碧光凝鑰庫錢奏欣聖號有開先魏梁南詔何堪數
拜啓君王兆萬年

學海類編 卷之七
司鑰庫積歷代古錢內得天啓錢大小數枚帝徧問
臣下無知者今按梁蕭莊魏元法僧并南詔陳友諒
俱有此號

光開閭闔護雲螭鹵簿千官泊玉墀此日嵩傳呼萬歲
初年猶記喚哥兒

泰昌元年帝已登極李選侍猶稱帝曰我哥兒

蓬萊宮闕掖庭參複道秋陰墜石楠聖母日繙經史閱
侍兒盡解誦周南

彤史更環似有情無端輦路碧苔生相應夢失砂按枕
鸚鵡窺人簾外明

中宮張后性骨鯁好讀書習字客氏憚后遂于帝前
離開之陰置名下陳德潤爲坤甯宮管事訶后動靜
○彤史女官名屬尙衣局二人掌后妃羣妾御于君
所書其日月

鏗鉦鐘鼓辟雍開象輅初臨遽引回聞說先皇儀注舊
從容曾一賜茶來

五年三月六日上視學釋奠賢擅改儀注凡賜坐大

臣不得賜茶逼上速還宮

一人穆穆只垂裳章奏無勞擁象牀河下金鑄互批閱
甲痕鈐記費籌量

凡章奏付玉體乾梁棟石石元雅李永貞涂文輔諸
監分看遇要處卽鈐一白紙條復于面葉上用指摺
一重痕關白忠賢

畫艦龍函詔使呼元黃朱綠出三吳上公裝束年來別
萬壽金袍換卻無

內臣佩服向有定制忠賢創造織金壽字喜字紗紵

儼然于帝前服之

兩坊官叶第三廳撰說書章字字馨逢著講期都詔免
黃金鎖几自晶熒

經筵御案上有鎖書金獅二枚

怪底宜男獨早秋璇宮虛擬見虹流薺花漫蘸芝麻水
百子池邊暗卜油

帝生三子俱不育○時宮娥呼油曰芝麻水避御名
也

隨班奉筵入明光素面朝天不用粧共聽咸安新約束

敢將脂澤污君王
素面臨天不似
忠賢畱客氏于內
以鈐制宮壺嬪妃而下無不唯唯
忽賜金苔滿院輝
薔薇露喫尉宵衣
橫陳此夕真恩數
明日還疑事又非

時宮娥往往有進御而得禍者

兩雄竝倚勢斷斷二魏無如大魏
馴疇昔榻前驚夜聞
聖明原識意中人

初魏朝與忠賢同屬客氏私人曰大魏二魏一夕于
乾清煖閣內爭寵相毆時已丙夜上驚起曰客妳只

說心裏要誰管事我替你斷客素憎朝猥薄意頗向

賢遂斥朝

奏獲祥麟照殿圖
張羅爭看抵明珠
馬蹄牛尾麕身樣
繡出針神總不如

青州王家唾麒麟
撫臣李精白疏奏獻圖
○燕都謂
不慌忙曰張羅

縹飛玉蠹倚層霄
漫學泉臺望眼超
影動澄波翻貝闕
白頭宮監說神堯

萬歷中建乾德殿于護城河上游高八丈一尺廣十

學海類編
七丈磴道三分三合而上之金碧照耀倒影入水儼
如鮫宮仙闕忠賢導毀爲內校場

颯颯霜蹄汗血光天閑十二紫茸韁殿中漫唱幽州曲
不放沙場放獵場

上與忠賢俱好馬邊帥每以馬進御馬監獨盛于前

代

初度纔知保姬尊爭遺綵履貼金鴛瓊卮到處霞生臉
御手親傳不謝恩

客氏生日帝爲臨幸陞座設宴賞賚甚優客亦自視

爲八母之一居之不疑

歌徹咸安分外妍白鈴青鶴入冰絃四齋供奉先朝事

華嶽新編可尙傳

神廟孝養兩宮設有四齋近侍二百餘名習戲承應

一日兩宮陞座神宗侍側演新編華嶽賜環記中有

權臣驕橫甯宗不振云政歸寧氏祭則寡人神廟曠

日不言久之

龍寢經春在外庭深宮不夜鑰長扃妝成空有如花貌
阿妹無端學祭星

始影星女子于夏至夜候而祭之好顏色

頻年蜀道棘王師不信蛾眉豎繡旗飛奏昨宵來使殿

桓桓韎鞞愧男兒

四川宣撫石柱女官秦良玉也有疏載實錄

露旭籠窗花霧冥嬌鶯無語只梳翎宸居咫尺應同夢

誰叩金盆不肯停

忠賢在直房晨起漱口自擊金漱盆盡力大響聲徹

御前

浮渲梳成日影移承宣牌子喚嫌遲玉雲側掠輕移袖

怕著新娥鬧掃垂

宮娥春日咸頭戴鬧蛾掠風撩草鬚翅生動

烟鞞垂楊芳草平弓鞣齊尙踏青名自憐金粟裁痕減

甯用花裙曳地行

客魏主持內政後宮衣食俱為減損

日轉繚垣影欲低辛夷窗下語黃鸝裏頭金彈非時挾

莫向君王著意啼

帝好挾彈放馬銃近侍在宮中亦皆習之二年有暖

殿王進在御前放銃震裂打落左手幾危聖躬

閒承熊席玉雕牀多恐君王每易忘退直便如成隔世
遲回矯步怯西廊
其帝性善忘所用之人爲客魏擯斥遂不復記憶問及
禮成方澤恣歡遊戲影雙雙一葉舟不爲祓除求度厄
衣裳濺卻奏無憂

五年五月十八日上祭方澤回卽幸西苑賢與客氏
于大船宴飲上攜少年暖殿高永壽劉思源泛解艇
帝手自刺篙二監佐之相顧失笑舟覆二監溺死帝
以管事譚敬赴水救免

渥洼飛駟捲紅埃五鳳門輦逐扇開莫怪封章留玉案
無人知是涿州來

賢往涿州進香凡章奏要事托李永貞石元雅涂文
輔各派站馬疾馳候賢可否

書編昇上炯龍眸黃帕青緇內局收遮莫黨人似元祐
盡稱要典等陽秋

閣臣顧秉謙進呈三朝要典起萬歷乙卯至天啓辛
酉以挺擊紅丸移宮三事翻案成書因科臣楊所修
請也

學海類編 卷之三 天啓宮詞
朝巡西苑逐金丸擘手橫飛暮險竿一騎馳來催賜酒
嘶蹄又聽入咸安

王恭廠裏事聞初鄭重徒勞太史書不改蓬萊雲五色
至尊豈用省愆居

安民廠卽王恭廠事在六年五月六日世廟建省愆
宮在文華殿西北凡遇天災凶眚居此以示修省天
啓來雖災異迭見此宮塵封久矣○王恭廠火計震
塌房萬餘間壓死男婦五百餘人詔百官修省

初無曼倩隱金門聖主能存乳哺恩珍重羊車過別院
離瑜慘淡照黃昏

離瑜二星名主婦人服飾明則后宮奢侈微則儉約
上黃明服肅靈階殊澤新承儼燎柴翠葆繽紛神宴娛
吾皇隕祉只清齋

六年冬魏良卿代祀園丘○娛同嬉音上聲又音霽
隕音頽下墜也摧也

銀花畫燭自安排風射朱櫺月上階願化飛蛾撲前殿
挑燈趣起玉鸞釵

客氏每日清晨入乾清煖閣侍帝甲夜後回咸安宮
漫論打鴨著鴛鴦春恨時隨碧草生裏玉縈香已何限
始知無寵是深情

客氏在內時有勒死筆死女昇出太安門外故云

宮瓶秘色露葵琴入供絲絲繪佛圖翠靨金蟬常卸卻
蕭然一樣似皇姑

宮中多茹素菜事佛者至此日尤甚○琴音誇義同
華又音孚榮也

絲髮銀勒動銜塵禁樹投丸不畏人向說椒房此無賴

如今不是霍家人

忠賢會枷死皇親五人

出班阿監特增輝進得驪駒玉帶圍勅試新蹄隨放仗
元光一道捷於飛

賢初遇聖節同體乾于乾清宮朝服行禮自良卿晉
封卽改簪纓出班行禮致詞如公侯伯焉○賢進馬
甚多中有飛元光者賜玉帶賞抹布刀兒如管事之
秩

玉河橋畔柳條多酒泛樓船著柘羅浪給司房銀豆粒

老公拍手至尊歌

乾明門西有石梁如虹直跨金海通東西之往來者
曰玉河橋凡宣召太監某眾必接聲曰叫某人帝宣
召忠賢眾接聲曰叫老公而不名

宣索尋常院本看紅衣抹額按吹彈擅場最是王癩子
合殿春風笑紫蘭

五年後御前凡撒科打院本有鐘鼓司僉書王癩子
名朝進抹臉恢諧多稱頌忠賢獲賢賞賚帝顏亦爲
之霽

風閣松棚結綺層外家各別有炎蒸妾心自識涼如水
敢乞天廚一賜冰

客氏體肥性畏熱夏日于咸安宮起大涼棚上復賜
冰不絕

葵榴初纈藥闌敷綵線珍成績命需遙聽三韓鋒火急
真人剛進辟兵符

每歲元旦端午真人府進符篆貼各宮門上

飛鳳三花逐電流例逢躡柳拜前旒八珠穿得都班賞
奪取頭標勝一籌

午日大駕幸萬歲山閱御馬監勇士跑馬名曰射柳
卽金元躡柳之遺唐時外牧歲進馬印以三花飛鳳
故有馬鬣剪三花之語

招招黃帽繡旗衝三翼乘流羯鼓從何用船頭鱗鬣活
中央萬乘是真龍

五月苑中競渡上親御龍舟搥鼓

鮭魚冰黨玉鱗鱗千里紅船薦廟新何事年來遞偏晚
外頭傳食已嫌陳

四五年後凡薦新時物廟中御前未曾供用而客魏

處已飽飫多時或轉致帝前帝亦不問

內苑擎天金作柱漢家承露玉雕盤側身偷覩迷離甚
欲挾飛仙倒景看

五年八月皇極殿前立金柱百官入賀

海鏡江瑤百寶并黃紗籠蓋尙侯鯖後宮私作填倉會
骨董家常也學烹

帝喜用炙蛤鮮蝦燕菜鯊翅諸海味十餘種共膾一

處食之○京師正月二十五日吃酒食名曰填倉貴
賤皆然

金搶淺花合鈿螺冰糖虎眼雜絲綯內中侍從叨恩啜
甯問櫻桃舊畢羅

恬食房製絲綯虎眼糖法不外傳進供御用兼備賜
各宮及大臣等○畢羅卽饌饈餅屬也○搶同創淺
同菱

何處初寒賜錦裘手攜龍卵報瓊羞君王果得昭儀寵
妾願年年長信秋

客氏蒙上賞甚渥每以滋味悅上上贊嘆不已○白
牡馬之外腎最益人名曰龍卵十月閒御饌及內官

家最尚之

承恩未見賞羅新病坐蒼龍夢據身天子南郊嚴祀典
誰爲奏喚內醫人

三年上南郊之日宮中有馮貴人以德性貞靜荷上
寵客魏恐其露己橫暴乘其微疾立刻掩死

香輿仙佩碧雲鬟千騎緋袍侍從殷呼殿只疑鑾隊出
火城如晝照珠還

客氏暫歸私第必於五更出宮儀從甚盛緋袍玉帶
者在前擺隊步行隨從幾數千人

暫向咸安歸里第明駝促賜幾曾閒夫人又約前來晚
月隱宮門不上環

客氏在家賜賚無虛日不久卽還宮亦必于五更時
漫言票擬盡塗鴉中旨音傳玉不瑕憑仗絨題工報密
廠東端屬閣臣家

賢擅政各衙門章奏俱不由閣票特用內旨生殺予
奪惟賢與體乾爲之○閣臣魏廣微凡有密札達東
廠皆用閣揭貼紅簽用小白文印記于上題曰內閣
家報

瑟居帶霓儼神明狗監攢頭餒狗羹嚙已阜囊隨入手
橫腰硬拆讀高聲

賢性貪饕好狗肉涂文輔等每自烹來于乾清大殿
內賢與體乾等手奪口噉須臾立盡爲樂○舊制掌
印率秉筆太監看文書俱在直房忠賢體乾等公然
于乾清大殿上看硬拆實封高聲朗誦賢不識字體
乾又爲講解○霓音孽西京賦直帶霓以高居

日見囂書東塞烟王師犄角駐朝鮮照容敕捧將軍賜
玉劍光寒照錦韉

四年十一月賜毛文龍劍一口大紅蟒衣一襲加官
左都督

九楹翼翼露華繁恭薦明禋裸獻敦繞宇金支靈儼屬
貂勲醜格賚曾孫

七年七月魏良卿代饗太廟填祝版

溽暑耽觀水傀儡秋風打稻卻聞歌依稀過錦無人問
哲婦讒夫世盡多

鐘鼓司有水傀儡戲秋收打稻戲又有過錦戲約有
百回備及世閒昏庸受欺奸讒巧詐情事雖市井商

匠雜耍把戲皆可承應祖宗設此無非欲以廣後人
耳目也

海青橋律閒鏡吹隊舞金獅按拍遲尋撞蹣跚徧丹陛
無情鎖子若相隨

乾清丹陛上向有金獅二大座

貼地蛇行唱不休西涼假面互相投巧生背向天顏喜
乞賞纖纖拜兩頭

一俛僮貼地唱歌驚躍數四備極疾徐之態忽于尻
閒又出一頭以兩足作手拱揖周旋首尾不可辨真

奇也

皇史宬經曬曝時由來祖德曷勝思不無人識欽天頌
一榻門東透玲碑

皇史宬藏歷代實錄之處其東則追先閣欽天閣透
玲碑在焉世廟置欽天頌中言祖德宗功創業守成
皆非易事教戒子孫勒于碑碑石瑩潤如玉故名○

玲音匣

次第排當進牝驄懽呼萬壽卻生陽繡添綵絢龍紋爛
共拜堯天似日長

舊制萬壽節內官進馬熹廟萬壽在十一月十四日
每年冬至天下進表官俱同入賀

毫濡粉本一枝梅九九妝殘取次開幘入銷寒無俗句
成都才子舊刪裁

宮中冬至日畫青梅一枝爲瓣八十一日染一瓣九
九盡而春深矣上書九九銷寒歌舊皆鄙俚之語近
易新詩係正嘉閒楊慎改定者

靜掩朱扉已二更金輿忽地照前楹上房莫漫忙供奉
只索階前一送迎

學海類編
上于三宮及有名號嬪妃不過經歲一二幸客魏恐
有親疏之嫌多方離閒故在外乾清暖閣居多總之
彼二人不離左右而已

閒徵往事夢徒勞顛顛慵梳媿玉搔亦有嫠容偏可悅
君恩疑是駐顏膏

客氏係定興縣民侯二妻嫠不多年受封年將四十
顏色如二八許

曲宴經年空復情搗彈莫怪手旋生縱令盡解歌章色
誰向君前敢奏聲

絃索止唱北調亦有以南曲入之名歌章色此正德
閒頓仁隨駕至北京流傳者

細針七孔影浮波繪乞雲龍雜水荷不是日中偏更巧
憎看牛女晚乘河

七月七日宮中設乞巧山子兵仗局進乞巧針其事
與古不同午閒曝盎水于日中生膜投針則浮看水
底針影有成雲龍花草形者謂得巧其影如椎如絲
如軸則爲拙徵也

太液池開菡萏風花容人袂一般紅時興紈素文華動

彷彿行雲出峽中

時夏服尙用紈素俗云懷素是也內襯白紗外有自然活紋如水之波如木之理故云

秋深御宿禁梨霜酒泛瓢鬢月轉廊纖玉剝殘雙郭索落花舞蝶唾生香

八月宮娥吃蒸蟹細細用指甲挑剔肉盡以胸骨入路完整或列爲花或綴爲蝶以示巧○唐武后季秋梨花杜景佺曰陰陽瀆則爲災

麻衣金翅欲空羣對御難爭主客分奮勇但希當一笑

須須卻拜大將軍

燕都呼蟋蟀爲須須疑本蠕蠕而轉誤者也

秋深永巷井梧飛漏促銅蚪燭影微疇昔嬀娥恩未盡繡鴛重拆補寒衣

東李妃簡重寡言光廟托撫思廟儼若己出承奉徐應元王文政俱忠賢腹心借勢驕奢供用不備憤鬱致病卒

先朝嬪御竹痕滋髣髴陶匏歲歲思銅雀不勞施總幙相臣跪進二陵詩

元年十二月元輔葉向高祇謁定慶二陵還恭進詩
章上宣付史館

旄鉞朝麾散籞烟鷹飛兔走自鉤弦大家此日真能武
故事如聞正德年

西苑鳴鑿芝之火揚橫吹鬢栗鼓唐唐宮門侍女拈香立
候徹鴛鴦瓦上霜

魚鑰生衣不見春舞鸞收黛只知顰先皇貴幸今存幾

珠匄無光燭紫宸

光廟趙選侍素與客魏不合帝登極卽賜死選侍列
光廟所賜珠翠金玉之物于几再拜痛哭乃投繯
瓊沼翳然水一方風生珠翠夾亭涼內人共啜銀苗菜
芳蒨先供點御湯

坤甯宮後園曰瓊苑池曰瓊沼有亭曰浮翠曰澄瑞
夾立池上宮中夏日尙喫新嫩藕芽曰銀苗菜帝愛
新蓮子作湯

天子當陽正少年生來不肯戀嬋娟公卿都未穿黃襪

學海類編
卷之六
天啓宮詞
候寢熏衣若箇前
黃襪乳母服見南史召卿使者著黃襪註欲使輔幼
主也○客氏每日天將明卽上殿候帝醒至御前甲
夜始出
長春被黜復何論
摒擋誰能拾淚痕
無賴昨宵猶夢幸
深憐不死是君恩

范慧妃爲客氏所嫉失寵李成妃侍寢爲范乞憐客
偵知遂革去成妃封號絕飲食妃素慮此私蓄乾食
于僻處得延數日不死客怒稍解黜爲宮人自長春

宮退居乾西直房

何事丹陵遲暮生
葳蕤獨閉未全明
傷心飲徹檐頭水
萬歲潛呼三兩聲

張裕妃有娠逾期未產客魏恚其異己譖上絕妃飲
食會大雨匍匐檐下啜雨水數口臨絕猶呼萬歲爺
不已

簾釘風颭月棲檐
宮正來巡夜獨嚴
不信六宮秋一色
天家每自覓龍鹽

宮中女官有宮正司宮正一人正五品掌察宮闈責

罰戒令之事○龍鹽龍交時所遺有益幃箔

禁甬驚看列樹疏玉鞭金蹀躞無虛如今臺省知清宴
三載誰曾有諫書

各宮馳道有大松樹核桃棗樹乃祖宗二百餘年培
植之物西苑古松數株俱封三品食忠賢因導上跑
馬悉令除去

香飄御幄出山陞黃菊迎鑾故故期四海不知歌帝力
當筵一曲奏攢眉

五年重九駕幸萬歲山登高宴飲鐘鼓司太監邱印

執板清唱雒陽橋記攢眉黛鎖不開一袞及明年登

高仍唱此曲

歲魁新構半天中異鳥何來弄晚風休怪爰居馨祀事
藻廉曾出未央宮

六年皇極殿宮成有大鳥似駕鵝頻來殿上呼號似
梟非梟其聲咯咯然

角觝魚龍總是雲昭忠曼衍岳家軍風魔何獨嘲長脚
長舌東窗迴不聞

帝好閱武戲于懋勤殿設宴多演岳忠武傳奇至風

史參
海類編
卷六
魔罵秦檜忠賢時避之

千秋令節自中宮吐撥嘶風御獵雄故命翟車參後乘
豈無恩幸肯當熊

六年十月六日值中宮千秋節上幸內校場圍獵張
后同往及暮乃還

高元法會演盂蘭箇箇西僧紫袖寬澤畔魂歸旛影亂
波羅蜜供佛燈寒

西苑溺死暖閣二人贈陞乾清宮管事是年中元命
忠賢于大高元殿作佛事薦之○恬食房製進波羅

蜜爲佛供

考工釐正六官多湛黑施丹費揣摩御漆原同宣漆樣
黃金煜爚不稱倭

帝好弄油漆凡手使器具皆御用內監官監辦進作
料帝手爲之成而喜喜不久而棄棄而又成不厭也
○宣廟青宮時剔紅填漆俱經裁定後廠製終不及
前○倭漆中雜金屑砂粒粒光色瑩然亦爲時所
重

玉戲崖公興未闌懋勤營窟禦宵寒紅蚪催上剛烹熟

又報傳湯灌牡丹

帝于懋勤殿造火坑冬日御之○草橋園丁于冬日能支宮中三季之花土窖藏之火坑烜之十月中旬牡丹已進御矣紫姹紅妖爛如春日

仙姬剪水散瑤芳堆象鏤獅侍兒旁警蹕一聲雷影動親持玉尺減增量

帝于宮中凡嬉戲鄙事無不親自經營或有緊切本章王體乾等奏聽帝曰你們用心行去知道了

生駒浴罷渥注池雲散天街若敢騎天子自來鞦韆熟

不須調習幾多時

宣賜生朝入謝恩攢犀盤托鬱金尊辭歸只在西墀畔稱說琅然盡子孫

忠賢生于戊辰正月晦日自上元後餽遺者每蚤乾笑清西墀幾滿至正日綬帶齊擁若市千歲千千歲之聲殷訇若雷

南院春深籊柳繁露含垂線淚珠傳老奴一去無消息掃地潛聞幼豎言

忠賢欲害司禮監太監王安遂降安南海子淨軍命
南提督劉朝絕安飲食數日不死復撲而縊殺之
九微列處御筵憑隊隊笙歌擁毳毼蜃炬龍膏空鬪影
芙蓉開徧十三層
上元乾清宮壽皇殿安七寶牌坊及方圓鰲山燈有
高極十三層者
鰲山燈火出墀隅蓬勃千枝萬藥苓踈地金錢輸喝采
長明塔峙絡珍珠

歲暮二十四日起至正月十七日止每夕于乾清丹

陛上放烟火時至三木之後猶未絕也有壽帶葡萄
架珍珠簾長明塔等名色

星毬蓮炬燭銀蕤龍袞傍邊翠袖誰聞說宣宗三閣老
召登玉殿試燈詞

凡帝有宴賞舊例偕中宮者已概罷去惟客魏無不
同之

風沈銀蒜繡簾長祇奉隄麋侍女皇請得素馨宣貢紙
洛神摹卻十三行
中宮張皇后善楷書○宣德中縣料貢紙邊有宣德

五年造素馨紙印書○宣諭中籍採貢琳鬯育宣諭
額鬪潛來內上林羅衣輕試柳邊陰逡巡避眾閒尋捲
一笑拚輸草裏金蘇奉劍樂對文皇詰辭素馨宜貢琳
坤甯宮後園名內上林○時宮人所插鬧蛾尙用真
草蟲夾以葫蘆形如菀豆大名草裏金一枝可值二
百三十金信獻臨
雪溝泥盡泛春缸勅賜金魚暖藻雙跪拜前來歸院急
化生爭弄出珠窗淑華各志

二月疏濬各宮溝渠大銅缸汲新水于魚藻池取金

魚畜之

乍聞浣姬話悽然鶴語天寒在往年一月兩朝渾似夢
傷心千古有紅鉛寶合曰楊妃七月間八月二十四日奉安

泰昌元年李可灼進紅鉛事詳實錄諸書

寵殊中外冠彤庭偶見依憑乞未靈詛去呪來如有恨
聖明亦自奮雷霆聖明亦自奮雷霆

自五年來凡客魏有所違悞上時怒罵呪恨形于詞

色

傳火千門曉未銷黃金四日值雞翹執戈侷子空馳驟

不逐人妖逐鬼妖黃金四日新 鑿鑿辟文 沛于空

大儼隸鐘鼓司○振音震童子也 大儼用之出後漢

禮儀志來 八容殿官 洩對 土和怒 黑與 外派 于隨

綵旒翩翩進綵妝猙獍鬪戟 兩班行共誇身手都如活

更比當年分外長良 對恐 子未 靈貽 去則 來岐 官姓

惜薪司塑炭將軍高二三尺許用金綵裝畫如門神

惟手與面存炭質名曰綵裝于臘月二十四日奏安

各宮門旁其制與獸炭等耳忠賢遂增大之用傀儡

作法手眼俱動高八九尺或丈餘衣以綾絹佩以弓

刀

上苑今朝共咬春土牛昇入逐芒神青陽左个瞻龍氣

銀勝先教賜廠臣

立春日無貴賤皆咬生蘿蔔名曰咬春○先春一日

大京兆迎春畢塑小春牛芒神以京兆生昇入朝百

官拜賀賜春羅旛勝諸臣帶歸私第

鋪宮新例望還非暈碧裁紅憶裕妃切切太平愴未寐

坐依蕭局曉光微

裕妃事見前註○罰有罪宮人提鈴警夜徐行正步

其聲若四字句曰天下太平云

寶仗西臨久不開樞臣起草出新裁
灑灑零露仙方飲願作金莖萬壽杯

上自七年五月不豫至八月閒總不離枕席樞臣霍

維華進仙方零露飲并蒸法器具詳載酌中志略

阿母生貪椒屬尊抄名十五進宮門
豈知此日蛾眉賤誰薦披香拜特恩

元年春選婚民間京輔之地以皇上年少希徼寵澤
有女者多樂從之

辟寒犀貯罨雕牀尋憶初年事事傷
妙選俄聞三輔地幾多錯配較儂強

選婚之令聞于江浙民間婚嫁紛紛多有錯配者

撲幕殘花撩亂春誰傳紅壁可銷顰
聯房姊妹休相恤鸚姆無情巧伺人

范慧妃李成妃事見前註

於意彼李叔致專良簡信


與柳無帶西同人

對幕對詩對議春驚對珠璣可餘驚解與救杖村時

三靈靈之命開于五流其用報救保德百散酒香

對多龍國神謝既

朝寒風報器難林翠對降半車車對妙選知崗三舞



聖